

Акафист святому праведному Алексію, пресвітеру Московскому

Кондак 1

Избранный угодниче Христов и великий в скорбех помощниче, праведне отче Алексіе! К тебе яко теплomu предста́телю мы грешнии со дерзновением притекаем и умиленно взываем: умоли о нас всесильнаго Бога, не попусти́ти нам блуждати по распу́тием греховным, но просвети́ти сердца́ наша светом твоея любви, да зовем ти: Радуйся, праведне старче Алексіе, утешителю благодостный.

Икос 1

Ангелов Творец яви в рождении твоём молитвенное заступление святителя Филарета, егда, не могущи матери разродиться тобою, родитель твой притече к нему, и того молитвою вшел еси в мир сей во время совершения Божественныя Евхаристии, показуя тем, яко будеши великий служитель таинств церковных. Сего ради взываем ти:

Радуйся, святителем Филаретом благословенный и воспитанный;
радуйся, от пелен того подвижническому житию научивыйся.

Радуйся, отрасль родителей пречестных, плод благий принесшая;
радуйся, яко издетска гласом своим Бога прославлял еси.

Радуйся, благоговение и любовь ко службам Божиим от отца унаследивый;

радуйся, от матери твоея странноприимство и попечение о ближних восприимый.

Радуйся, ушеса своя к пению церковному от рождения приклонивый;
радуйся, во еже не видети суеты, очеса своя в горняя вперивый.

Радуйся, праведне старче Алексіе, утешителю благодостный.

Кондак 2

Видя Человеколюбец Господь широту сердца твоего, готовога послужити ближним своим, яви в благословении матери твоея волю Свою, да будеши не врач телес, но пастырь Церкви Христовы, врачуяй души притекающих к тебе; темже вси людие, видящии доброе пастырство твое, взывают Богу: Аллилуиа.

Икос 2

Разумом Божественным просвещен, узрел еси путь спасения во отсечении воли своея, егда поставлен был еси причетником во храм Богоматере, с велиим терпением восприял еси суровство начальствующаго, и тако возрастил еси в сердце твоём плод Христова смирения. Многолетнее твое терпение славяще, возглашаем ти тако:

Радуйся, послушниче усердный;

радуйся, яко Богу работал еси неленостно.

Радуйся, укорения и поругания яко Божие изволение восприимый;

радуйся, осуждати и укоряти других всегда избегаяй.

Радуйся, обличающих нас яко благодетели почитати поучаяй;

радуйся, ради блага ближних своих себе утесняти призываяй.

Ра́дуйся, благім супру́жеством своим и нам о́браз честна́го бра́ка яви́вый;

ра́дуйся, в супру́жнице твоёй до́браго помо́шника на пу́ти Христо́вом обрети́й.

Ра́дуйся, пра́ведне ста́рче Алексіе, утёшителю блага́стный.

Конда́к 3

Си́ла Вы́шняго обрете́ в тебе́ сосу́д че́стен и по посвяще́нии во иере́я продолжа́ше вести́ тя чрез горни́ло испытáний. Служи́л бо еси́ не в ве́си да́льней, яко́же хотя́ше, но во гра́де Москве́, в це́ркви ма́лаго прихода́, иде́же осьмь лет богомо́льцев не имев, николи́же возропта́л еси́. Ны́не же предстои́ши со дерзнове́нием Престо́лу Бо́жью, поя́ песнь: Аллилу́иа.

И́кос 3

Име́я тща́ние к соверше́нию служб це́рковных, на кийждо́ день служе́ние Божество́нныя Литурги́и учини́л еси́ и к покрóву Богома́тере и заступни́честву святите́ля Никола́я прибега́я, весь путь жити́я твоего́ моли́твою озари́л еси́. Сего́ ра́ди воспева́ем тя си́це:

Ра́дуйся, служи́телю алтаря́ ре́вностный;

ра́дуйся, яко́ бо́дрствовал еси́ в моли́твенном по́двиге непреста́нно.

Ра́дуйся, в Бо́зе все упова́ние твоё полага́вый;

ра́дуйся, в до́лгих испытáниях непоколеби́м пребы́вый.

Ра́дуйся, яко́ крест на пе́рси прие́м, плоть свою́ со страстьми́ и похотьми́ Христа́ ради распина́л еси́;

ра́дуйся, яко́ по возложе́нии епитрахи́ли на ви́но твою́, да́ры Ду́ха Свята́го неоску́дно преподава́л еси́.

Ра́дуйся, яко́ поя́сом препоя́сав чре́сла своя́, за́втра на нивы де́лания Госпо́дня изше́л еси́;

ра́дуйся, яко́ взе́мся за ра́ло Христо́во, не направля́л еси́ вспя́ть стопы́ твоя́.

Ра́дуйся, пра́ведне ста́рче Алексіе, утёшителю блага́стный.

Конда́к 4

Бу́рю мо́ря житей́скаго, сластолю́бием, зло́бою и горды́нею волну́емаго, всем жити́ем твои́м науча́л еси́ преплы́вати в кора́блеце́ покая́ния, да и мы, явля́юще живу́ю ве́ру и трéпетную лю́бовь ко Го́споду, сподо́бимся воспева́ти Ему́ и на небесе́х песнь хвале́бную: Аллилу́иа.

И́кос 4

Слы́ша о богоуго́дном жити́и твоём, нача́ша прибега́ти к тебе́ и́щущии спасе́ния, обрета́юще в тебе́ чадолю́биваго отца́ и утёшителя, ты же неле́нотно поуча́л еси́ я́ покая́нию и служе́нию бли́жним самоотрече́нному. Темже и нас, яко́же и ча́д твои́х, научи́ и́стинному де́ланию на па́житех душ на́ших, да сла́вим тя благодаря́ще:

Ра́дуйся, в век оску́дения блага́честия несокруши́мым сосу́дом ве́ры яви́выйся;

ра́дуйся, неле́нотным пропове́данием се́мена благі́х дея́ний се́явый.

Ра́дуйся, яко́ всем скорбя́щим и отча́явшимся глашата́й любве́ Бо́жия был еси́;

ра́дуйся, яко любвию своєю ожесточенных злобою к покаянию
обращал еси.

Ра́дуйся, научаяй во всех человецех образ Божий почитати;

ра́дуйся, призываяй почивших неустанно поминати.

Ра́дуйся, не отревая немощных, по силе их делание им полагавый;

ра́дуйся, в постоянстве малаго делания залог духовнаго возрастания
указавый.

Ра́дуйся, праведне старче Алексие, утешителю благодный.

Кондак 5

Звезда еси, на небесех святости возсиявшая, светиши светло, в сонме
праведных и исповедников Церкви Русския землю нашу просвещая, темже,
зряще тя, праведне отче Алексие, прославляем прославльшаго тя Господа,
зовуще Ему: Аллилуиа.

Икос 5

Видя, милостиве отче, окрест тебе в нищете живущия, подавал еси им,
елико имяше, уповая, яко не оставит Господь и дом твой. Даждь и нам
стяжати сердце милосердное и научи ны невозбранно внимати воли Божией,
да восхваляюще глаголем ти сицевая:

Ра́дуйся, яко к сокровищам земным не прилеплялся еси;

ра́дуйся, яко небесное богатство стяжал еси.

Ра́дуйся, милосердием души наша обогащати научаяй;

ра́дуйся, некрадомое богатство верным испрошаяй.

Ра́дуйся, светом Трисолнечным сердца человеческая просвещаяй;

ра́дуйся, вину о пользе душевной пекийся.

Ра́дуйся, рачителю целомудрия;

ра́дуйся, хранителю чистоты.

Ра́дуйся, праведне старче Алексие, утешителю благодный.

Кондак 6

Проповедал еси пастве своей покаяние и вкушение безсмертных
Трапезы Агничия, да не взалчут более страстей, но воспримут мир и любовь
Христовы и поучатся любить ближних своих с самоотвержением и
утеснением себе, да благо им будет, и да зывают радостне: Аллилуиа.

Икос 6

Воссиял еси в первопрестольнем граде Москве глашатай жизни
неветшающий, древним отцем, в пустынях подвизавшимся, подобный; людем
бо, в суете пребывающим и различными злоучении прельщаемым, возвещал
еси любовь, милосердие и правду Божию. Таковому о тебе Божию
смотрению дивящися, вопием ти:

Ра́дуйся, неустанный проповедниче любви к Богу и ближним;

ра́дуйся, яко апостольски наставлял еси друга друга тяготы носить.

Ра́дуйся, во граде яко в пустыни живый;

ра́дуйся, пустыню града богатством слез твоих орошаяй.

Ра́дуйся, яко пожил еси в мире премирно;

ра́дуйся, яко вину предстоял еси Христу.

Ра́дуйся, ожесточенная сердца теплотою твоя любовь возделавый;

ра́дуйся, и ны́не душе́вный поко́й стра́ждущим обрета́ти помога́й.
Ра́дуйся, пра́ведне ста́рче Алексе́е, утёшителю бла́гостный.

Конда́к 7

Хотя́ Человеколю́бец Госпо́дь поста́вити тя в тру́дную годи́ну утёшителя скорбя́щих и стра́ждущих, посла́ тебе́ скорбь вели́кую в тяжце́й болéзни и сме́рти супру́жницы твоея́, да ничто́ уже́ земно́е не связу́ет се́рдца твоего́, но да приложи́ши к ре́вности ре́вность и при́мешь благода́ть возблагода́ть, науча́я пе́ти всех: Аллилу́иа.

И́кос 7

Но́вый путь ста́рчества духоно́снаго во гра́де Москве́ яви́ тебе́ Госпо́дь в словесе́х пра́веднаго Иоа́нна, пресви́тера Кроншта́дтскаго, указу́я, да воспри́мешь всю скорбь челове́ческую я́ко свою́, моли́твою и тепло́тою любве́ сию́ врачу́я. Темже и на́ша ско́рби отыми́ от нас, да ра́дующеся вызыва́ем ти:

Ра́дуйся, пра́ведником кроншта́дтским на служе́ние стра́ждущим благослове́нный;

ра́дуйся, я́ко врач иску́сный душ челове́ческих яви́выйся.
Ра́дуйся, на стра́же ско́рбных серде́ц челове́ческих ста́вый;
ра́дуйся, па́стырем до́брым обраца́вшихся к тебе́ яви́выйся.
Ра́дуйся, заблуждших овец к Па́стыренача́льнику приведе́й;
ра́дуйся, от волко́в хи́щных тех неврежде́нны сохра́нйый.
Ра́дуйся, широто́ю любве́ твоея́ всех обыма́яй;
ра́дуйся, наде́яние в Бо́зе полага́ти науча́яй.

Ра́дуйся, пра́ведне ста́рче Алексе́е, утёшителю бла́гостный.

Конда́к 8

Стра́нныя приима́ти тща́ся, при хра́ме своём прию́т сирота́м учредил еси́, назида́я их сло́вом и житие́м своём, да возраста́юще в благо́м попече́нии и любве́, благода́рственно воспева́ют Бо́гу: Аллилу́иа.

И́кос 8

Весь Бо́гу предсто́ял еси́, пра́ведне о́тче Алексе́е, и, посреде́ люде́й пребыва́я, Тому́ рабо́тал еси́, николи́же суето́ю связа́нный. И нас, в суету́ погруже́нных, научи́ твоему́ в ми́ре преми́рному жити́ю, да усер́дно тебе́ воспо́йм:

Ра́дуйся, де́тскую мла́дость души́ твоея́ сохра́нйый;
ра́дуйся, то́ю млада́я се́рдца́ к Бо́гу приводи́вый.
Ра́дуйся, сиротству́щим а́ки чадолю́бивая ма́терь яви́выйся;
ра́дуйся, овца́м словес́ным па́стырю преизря́днейший.
Ра́дуйся, ду́ши чад сво́их духо́вных для ве́чнаго живота́ порождáяй;
ра́дуйся, от скверн ми́ра сегó огражда́тися ча́да своя́ науча́яй.
Ра́дуйся, чту́щим тя ве́рный пред Бо́гом ходата́ю;
ра́дуйся, призыва́ющим тя непрело́жное упова́ние.

Ра́дуйся, пра́ведне ста́рче Алексе́е, утёшителю бла́гостный.

Конда́к 9

Всем, притекающим к тебе в скорби, наставник изрядный явился еси, отче Алексие, подвизая люди к покаянию и самоукорению, терпению же в скорбех неистощимому, да за вся сия благодаряще, Богу поют: Аллилуиа.

Икос 9

Витийствующий язык умолче, зря, како ты, старче Алексие, служение свое в простоте совершая и мудрость века сего посрамляя, всяку гордыню человеческую яко прах от лица ветра возметал еси. Сего ради похваляем тя сице:

Радуйся, яко не хитросплетением словес, но силою правды Божия души врачевал еси;

радуйся, яко вознесенную гордыню века сего смирением сокрушал еси.

Радуйся, словесы своими не крепость человеческую, но силу Божию явивый;

радуйся, яко нестаряющую мудрость евангельскую живу и действенну показавый.

Радуйся, исполненный ревности по Бозе Вседержителе;

радуйся, уставов церковных ревностный хранителю.

Радуйся, искусный пробуждателю совести человеческия;

радуйся, яко всем бысть вся, да спасеши души, Богом тебе врученные.

Радуйся, праведне старче Алексие, утешителю благодостный.

Кондак 10

Спасения несть во преселении в хлебородныя земли, егда глад, мор и междоусобныя брани постигают страну нашу, тако глагола еси, отче, и трудности учил еси приимати яко вразумление Божие, за умножение беззакония попущенное, и непрестанно в покаянии взывати: Аллилуиа.

Икос 10

Стена непоколебимая упования на Господа явился еси, отче Алексие, яко скала крепкая, пресекая треволение житейское, малодушие и уныние в душах людей, к тебе прибегающих и с любовью зовущих ти:

Радуйся, адаманте веры несокрушимый;

радуйся, злато в горниле скорбей очищенное.

Радуйся, разделивый с народом русским скорби, Богом низпосланныя;

радуйся, глад и хлад приемый яко наказание Божие.

Радуйся, купно с прихожаны храма чудо плача иконы Богоматерни узревый;

радуйся, надежду на милосердие Божие страждущия души врачевавый.

Радуйся, страждущим в бедах скорое поможение;

радуйся, призывающим тя в скорбных обстояниях щит и ограждение.

Радуйся, праведне старче Алексие, утешителю благодостный.

Кондак 11

Пение всеумиленное приносим ти, отче досточудне, прославляюще блаженную кончину и погребение твое, молитвами святителя и исповедника Тихона, Патриарха Всероссийскаго, сопровождаемое. Веруем, яко предстоит

вкупѣ во свѣте невечѣрном Престолу Пресвятыя Троицы, вѣну поюще:
Аллилуиа.

Икос 11

Светозарен светильник явился еси, милости Божия исполнен, и великий купец, умноживый таланты, яже даде тебе всех Бог, в житии бо твоём явил еси дары прозрения и исцеления, подвизая нас глаголати тебе похвалы сия:

Радуйся, яко от лет детских Господу верен был еси;

радуйся, многих дарований от Него сподобивыйся.

Радуйся, луча благодати, в мире явленная;

радуйся, ризами света Христова одянный.

Радуйся, с преподобным Серафимом помогий обрести сына матери отчаявшейся;

радуйся, яко и ныне в трудных обстояниях о нас к Богу ходатайствуеши.

Радуйся, прозорливостию и чудотвореньми люди в вере стояти утвердивый;

радуйся, души, веры не имевшия, отеческим попечением и молитвою к Богу обративый.

Радуйся, праведне старче Алексие, утешителю благодатный.

Кондак 12

Благодати исполнен, яко сосуд Духа Святаго избранный, породил еси духом многая чада твоя, да зряще житие их, окрест живущия уразумеют, яко любовь в Бозе к ближнему залог мира есть, и тако благодарственно воззовут Богу: Аллилуиа.

Икос 12

Поюще житие твое и прославление, веруем, яко многомощно есть пред Престолом Владычним твое за ны ходатайство, сокровище же многоценное мощи твоя имущее, к ним припадаем яко к сосуду благодати неистощимому и согласно ублажаем тя:

Радуйся, гражданинне Иерусалима небеснаго;

радуйся, благий наставниче, возрастивый чада своя во отцев преславных.

Радуйся, яко был еси на земли храм живой, Господеву посвященный;

радуйся, яко предстоиши днесь Престолу Вседержителя.

Радуйся, старцев Оптинских собеседниче;

радуйся, кронштадтскаго светильника сомолитвенниче.

Радуйся, яко община твоя образ бысть купножительства христианскаго;

радуйся, яко чада твоя свидетельством кровей своих Христа исповедаша.

Радуйся, праведне старче Алексие, утешителю благодатный.

Кондак 13

О предивный пастырю и теплый о нас к Богу молитвенниче, праведне отче Алексие! Не отрини нас немощных, совершающих похвальное пение

си́е, и научи́ волю́ Божію нелѣнно творіти, да сподобимся и в б́удущем вѣце благодарственнo воспевати Творцу́ и Бо́гу нашему: Аллилу́иа.

Моли́тва 1

К тебе́, о пра́ведне о́тче Алексіе, мы, грѣшнии и недостойнии, притека́ем и со умилѣнием взыва́ем ти: при́зри ны́не мѣлостивно с высоты́ святы́я своея́ на Оте́чество на́ше и нас, тя прославля́ющих. Приѣмый в жити́и свое́м тя́готы люде́й и се́рдцем мѣлюющим понеси́й ско́рби их, приими́ в моли́твенное твоѣ предста́тельство и нас, грехми́ мно́гими обременѣнных и суето́ю ми́ра сегó утружденных. В тебе́, о дѣвннй ста́рче, просла́вися Господь, явѣв тя тайнника мѣлости Божія. Тя призыва́ем неотсту́пно: б́уди врач ду́шам и телесѣм на́шим, уны́вающим утѣшитель, малоду́шным дерзнове́ние низпосли́, помраченнх зло́бою всепро́щению научи́, воздержанію спосо́бствуй. Воспламени́, бла́гий дѣлателью виногра́да Христо́ва, хла́дная сердца́ на́ша ре́вностию служѣния твоегó, научи́ моли́тве непреста́нней и дѣятельней любві́ с утеснѣнием себе́ бла́га ра́ди блѣжних на́ших. Укрепи́ моли́твами твоими́ ча́да Цѣркве на́шея, да поживѣм в любві́ и ми́ре, а вне огра́ды церко́вныя пребы́вающія да уразуме́ют Христо́ву і́стину и вку́пе с на́ми просла́вят Животворя́щую и Неразде́льную Трѣицу и твоѣ мѣлостивное предста́тельство во вѣки веко́в. Ами́нь.

Моли́тва 2

О всечестный и преблаженный о́тче наш Алексіе, дѣвннй ста́рче Московский и всея Цѣркви Ру́сска похвало́ и ра́дование! Вѣлию́ любóвь ко Го́споду имѣя, заветы́ евангелския непрелóжно исполня́я, ду́шу твою́ за па́ству полага́л еси́, мѣлюющим се́рдцем болѣзнуя о всех, просящих твоѣя́ по́мощи. Приими́ ма́лое си́е мо́ление на́ше, и я́ко в земнѣм жити́и твоѣм отира́л еси́ всяку́ слезу́, облегча́л еси́ всяку́ скорбь, та́ко и ны́не, милосѣрдый моли́твенниче и ходатаю́ наш, возьми́ тя́готы́, болѣзни и ско́рби на́ша, испóлни стра́ждущая сердца́ ра́достію, умоли́ Человеколю́бца Бо́га о про́щении безчи́сленных прегрѣше́ний на́ших, да очѣстивше ду́ши пока́нием, к дѣланию́ до́брому присту́пим. Ей, ста́рче бла́гий, б́уди и нам па́стырь до́брый, наставля́я на стезю́ спасѣния, да моли́твами твоими́ безпоро́чно про́йдем путь жити́я на́шего и обря́щем Оте́чество Небѣсное, иде́же ты со Ангелы́ и все́ми святы́ми предсто́иши Престо́лу Святы́я Трѣицы, прославля́я Безнача́льнаго Отца́ со Единоро́дным Его́ Сы́ном и Пресвяты́м, и Бла́гим, и Животворя́щим Его́ Ду́хом во вѣки веко́в. Ами́нь.